



Broj:10-05-28708/17
Sarajevo, 25.09.2017.godine

Na osnovu člana 70. Zakona o pravima, obavezama i odgovornostima pacijenata („Službene novine Federacije BiH“, broj 40/10), člana 6. Pravilnika o zdravstvenom savjetu Ministarstva zdravstva Kantona Sarajevo („Službene novine Federacije BiH“, broj 82/15), Ministrica zdravstva Kantona Sarajevo, objavljuje

JAVNI POZIV

za izbor i imenovanje Zdravstvenog savjeta Ministarstva zdravstva Kantona Sarajevo

I

Zdravstveni savjet je savjetodavno tijelo Ministarstva zdravstva Kantona Sarajevo koje prati provođenje ostvarivanja i unapređenja prava pacijenata, a u okviru prava i obaveza za područje Kantona Sarajevo.

II

Zdravstveni savjet obavlja slijedeće poslove:

- prati provedbu ostvarivanja prava pacijenata saglasno Zakonu o pravim, obavezama i odgovornostima pacijenata,
- prati provedbu obrazovnih aktivnosti u vezi sa pravima pacijenata,
- raspravlja o izvještajima zdravstvenih savjeta jedinica područne lokalne samouprave,
- daje mišljenja, preporuke i prijedloge nadležnim organima o utvrđenom stanju na području djelokruga rada zdravstvenih savjeta jedinica lokalne samouprave,
- predlaže preduzimanje mjera za izgradnju cjelovitog sistema zaštite i unapređenja prava pacijenata u kantonu odnosno Federaciji,
- daje inicijative za donošenje propisa kojima se unapređuju prava pacijenta, te mišljenje na propise iz ove oblasti koje pripremaju nadležni organi vlasti na svim nivoima,
- saraduje sa organima i organizacijama iz oblasti zaštite i unapređenja prava pacijenata u Federaciji,
- podnosi kantonalnom ministru zdravstva godišnji izvještaj o svom radu,
- obavještava javnost o povredama prava pacijenata,
- obavlja i druge poslove koje mu dodjeli kantonalni ministar u skladu sa ovim zakonom i propisima donijetim na osnovu ovog zakona.



III

Zdravstveni savjet ima osam članova, a prijedlog članova za isti dostavljaju kandidati iz redova pacijenata, mladih, Ministarstva zdravstva Kantona Sarajevo, komora iz oblasti zdravstva, stručnih udruženja, udruženja za zaštitu prava pacijenata, sindikata zdravstvenih ustanova, odnosno privatnih praksi, crvenog krsta/križa s područja Kantona Sarajevo.

Članovi Zdravstvenog savjeta se biraju iz reda istaknutih stručnjaka, sa dokazanim moralnim i etičkim kvalitetima, u oblasti medicinskih, pravnih, ekonomskih i obrazovnih nauka.

Prilikom imenovanja Zdravstvenog savjeta poštovat će se princip odražavanja ravnopravne zastupljenosti oba spola.

IV

Zdravstveni savjet imenuje i razrješava Ministrica zdravstva Kantona Sarajevo. Mandat članova zdravstvenog savjeta traje 4 (četiri) godine.

V

Kandidat treba da ispunjava sljedeće uslove:

- da je punoljetni državljanin Bosne i Hercegovine (dokaz: uvjerenje o državljanstvu)
- da ima minimalno tri godine radnog iskustva u oblasti u kojoj se kandidira (dokaz: potvrda o radnom iskustvu u instituciji, ustanovi, udruženju, nevladinoj organizaciji ili zdravstvenom sindikatu koji ga kandiduje)
- da uživa ugled i ima evidentne rezultate rada u oblasti u kojoj djeluje.

VI

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata ne starije od šest mjeseci, iz tačke V oglasa, kao dokaz o ispunjavanju uvjeta traženih ovim oglasom.

Prijave sa potrebnom dokumentacijom se dostavljaju lično ili poštom preporučeno, sa naznakom „PRIJAVA ZA IZBOR I IMENOVANJE ČLANOVA ZDRAVSTVENOG SAVJETA MINISTARSTVA ZDRAVSTVA KANTONA SARAJEVO – NE OTVARAJ” dostaviti na slijedeću adresu: Ministarstvo zdravstva Kantona Sarajevo, ul. Reisa Džemaludina Čauševića br. 1, Sarajevo.

Neblagovremene i nepotpune prijave neće se uzeti u razmatranje.

Oglas ostaje otvoren 15 dana od dana posljednjeg objavljivanja ovog oglasa, a isti će biti objavljen u dnevnim novinama „Dnevni Avaz“ i na web stranici Ministarstva zdravstva Kantona Sarajevo: <http://mz.ks.gov.ba>.

MINISTRICA

Zilha Ademaj, dipl.oec., s.r.



web: <http://mz.ks.gov.ba>
e-mail: minzdrav@ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

